

Broj: 01-02.1-7312-25/22-NJ

Datum: 27.03.2023.godine

Na osnovu člana 70. Zakona o javnim nabavkama ("Službeni glasnik BiH", br. 39/14 i 59/22) i Pravilnika o javnim nabavkama JP Cesta Federacije BiH d.o.o.Sarajevo, i u skladu sa preporukom Komisije za nabavke Uprava d o n o s i

O D L U K U

o dodjeli ugovora za nabavku usluga revizije glavnog projekta petlje Velešići sa pripadajućim objektima, izgradnja gradskog autoputa- brze ceste u Sarajevu, dionica Stup- Buća Potok- Pofalići- Velešići- Bentbaša, ponuđaču IG d.o.o. Banja Luka

I

Na osnovu odluke o pokretanju postupka javne nabavke predmetnih usluga proveden je otvoreni postupak. Obavještenje o nabavci je objavljeno na Portalu javnih nabavki dana 15.8.2022. godine. Izvršeno je prikupljanje, otvaranje, analiza i ocjena ponuda.

Do utvrđenog roka dostavljene su 2 (dvije) ponude, i to:

- | | |
|------------------------------------|--|
| 1. IG d.o.o. Banja Luka | 64.400,00 KM bez PDV-a
75.348,00 KM sa PDV-om |
| 2. TZI-INŽENJERING d.o.o. Sarajevo | 64.300,00 KM bez PDV-a
75.231,00 KM sa PDV-om |

Analizom primljenih ponuda, Komisija je u svom Izvještaju br. 01-02.1-7312-4/22-DZ od 26.10.2022. godine utvrdila da su primljene 2 (dvije) ponude. Komisija je u skladu sa tenderskom dokumentacijom pregledala ponude sa aspekta kompletnosti i kvalificiranosti te utvrdila da dostavljene ponude kompletne i da zadovoljavaju kvalifikacione kriterije. U ponudama nisu uočene računске greške. Komisija je prvobitno konstatovala da ponuđač TZI Inženjering d.o.o. Sarajevo dostavio najpovoljniju ponudu za dodjelu ugovora za predmetnu nabavku, prema kriteriju najniža cijena, utvrđenim u tenderskoj dokumentaciji, te je u skladu s tim dala preporuku Upravi da ugovor za nabavku usluga revizije glavnog projekta petlje Velešići sa pripadajućim objektima, izgradnja gradskog autoputa- brze ceste u Sarajevu, dionica Stup- Buća Potok- Pofalići- Velešići- Bentbaša, dodjeli ponuđaču TZI-INŽENJERING d.o.o. Sarajevo.

Nakon što je ugovorni organ donio Odluku o dodjeli ugovora broj 01-02.1-7312-6/22-DZ od 26.10.2022. godine, ponuđač IG d.o.o. Banja Luka uložio je žalbu. Nakon donošenja Rješenja Ureda za razmatranje žalbi Bosne i Hercegovine broj: JN2-03-07-1-3300-8/22 od 15.12.2022. godine kojim je žalba usvojena, ugovorni organ je u ponovnom postupku, u skladu sa Rješenjem URŽ broj i datum gornji uputio zahtjev za pojašnjenje ponude broj: 01-02.1-7312-14/22 od 12.01.2023. godine kojim je zatraženo od ponuđača TZI d.o.o. Sarajevo pojašnjenje za potvrdu dostavljenu u ponudi na stranicama 230. i 231. Traženo je pojašnjenje koji dio iznosa (ukupni iznos ugovora 5.548.858,30 KM) se odnosi na usluge revizije projektne dokumentacije. Također je traženo pojašnjenje u vezi Ovlaštenja broj UPI/03-19-2-584/22 od 02.09.2022. godine, u smislu da li je i gdje u ponudi ponuđača TZI d.o.o. Sarajevo obuhvaćeno ovlaštenje za saobraćajni dio projekta željezničkih pruga, ili ponuđač ima namjeru navedeno ovlaštenje dostaviti prije potpisivanja ugovora.

Dostavljeno je pojašnjenje i kopije Potvrde firme Technital gdje je navedeno da je iznos koji se odnosio na usluge revizije idejnih i glavnih projekta 117.567,60 EUR-a. Na osnovu dostavljenog pojašnjenja potvrđeno je da ponuđač ispunjava uslov da ima uspješno iskustvo u realizaciji dva

ugovora na reviziji glavnih projekta izgradnje autoceste i/ili brzih cesta, u posljednje tri godine, ukupne vrijednosti veće od 85.000,00 KM. Navedeno pojašnjenje je sastavni dio Izvještaja Komisije i Zapisnika o ocjeni ponuda. Komisija je zatim analizirala Ponudu ponuđača TZI Inženjering d.o.o. Sarajevo, stranice 35 do 39 na kojima je Rješenje Federalnog ministarstva prostornog uređenja broj: UPI/03-19-2-584/22 od 02.09.2022. godine. Rješenje u vezi sa tačkom 31. pod c) Tenderske dokumentacije se dostavlja prije potpisivanja ugovora, odnosno nije obaveza dostavljanja ovlaštenja u ponudi.

Nakon što je ponuđač dostavio navedeno pojašnjenje za gore navedena dva pitanja, donesena je Odluka 27.01.2023. godine. Na navedenu Odluku ponuđač IG d.o.o. Banja Luka je uložio žalbu koju je URŽ BiH usvojio 09.03.2023. godine.

U skladu sa Rješenjem URŽ BiH od 09.03.2023. godine ponuđač TZI INŽENJERING d.o.o. Sarajevo dostavljajući Rješenje Federalnog ministarstva prostornog uređenja u ponudi (stranice 35 do 39), čini vjerovatnim da ne posjeduje ovlaštenje za projektovanje saobraćajnog dijela projektovanja željeznica. Također, imajući u vidu da je ova činjenica predmet osporavanja odnosno žalbe drugog ponuđača (Žalitelja IG d.o.o. Banja Luka) a da je URŽ BiH konačnim i izvršnim Rješenjem od 15.12.2022. godine usvojio ovaj žalbeni navod, ponuda ponuđača TZI Inženjering d.o.o. Sarajevo ne ispunjava uslov iz tačke 31. Pod c) Tenderske dokumentacije. S tim u vezi ponuda ponuđača TZI Inženjering d.o.o. Sarajevo je neprihvatljiva.

Preostaje kao prihvatljiva jedino ponuda ponuđača IG d.o.o. Banja Luka, te se formira rang lista :

- | | |
|-------------------------|--|
| 1. IG d.o.o. Banja Luka | 64.400,00 KM bez PDV-a
75.348,00 KM sa PDV-om |
|-------------------------|--|

Ponuđač IG d.o.o. Banja Luka je dužan u skladu sa zahtjevima iz tenderske dokumentacije dostaviti originale ili ovjerene kopije dokumenta iz člana 45. stav (2) Zakona o javnim nabavkama. Ukoliko izabrani ponuđač ne dostavi traženu dokumentaciju u određenom roku, ugovor za javnu nabavku dodjeliće su drugorangiranom ponuđaču u skladu sa članom 72. stav 3. Zakona o javnim nabavkama.

Cijeneći navedeno, Uprava donosi odluku kao u dispozitivu.

II

Po okončanju roka za žalbu, ugovorni organ će pozvati odabranog ponuđača na zaključenje ugovora kojim će se regulisati međusobna prava i obaveze vezane za predmetnu nabavku shodno nacrtu ugovora datom u tenderskoj dokumentaciji.

Pravna pouka:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu ugovornog organa. Žalba se podnosi u najmanje 3 (tri) primjerka.

Ljubo Pravdić, direktor

